

吳中舊事

蒼雪庵日抄

陸輔之 友仁 纂

李育字仲蒙吳人馮當世榜第四人登第能為詩性高簡故官不甚顯亦少知之者與大父晁公善尤愛其詩先君嘗得其親書飛騎編一篇於晁公字畫亦清麗以為珍玩詩云魏人野戰如鷹揚吳人水戰如龍驤氣吞魏王唯吳王建旗敢到新城傍霸王心當為夫敵麾下蒼皇無羽賊塗窮事交接短兵生死之

間不容息馬奔津稿稿半徹洵有聲如地裂蛟怒
橫飛秋水空鷗鷺驚度秋雲缺奮迅金霸汗沾臆濟
主艱難天借力艱難始是扶主時平日主君須愛惜
將侍郎劉家藏楊文公與王魏公一帖用半幅紙有
折痕記其略云昨夜有進士將堂携所作文來極可
喜不敢不布聞謹封拜呈後有蘇子瞻跋云夜得一
士旦而告人察其情若喜而不深者蔣不知何從得
之在其孫彞處

蘇子美詩

程光祿師孟吳下人樂易純質喜為詩效白樂天而
尤簡直至老不改吳語與王荆公有塲屋之舊荆公
蔣山留教日時己年七十餘荆公戲之曰公尚欲仕
乎曰猶可更作一郡荆公大笑知其無隱情也

頗喜之脫相遇

如布衣時自江州致仕

蘇子美詩

蘇子美云吳中渚茶野醞足以銷憂尊鱸稻蟹足以
適口又多高僧隱君子佛廟勝絕家有園林玳花奇
石曲池高臺魚鳥留連不覓日暮遂終此不去焉
諸珣字永升隱君子也鄉人罕識之章丞相程光祿

尤與之厚善

林德祖處云余家自伯父皇考洎諸父奉王大母
未居于蘇著籍此州者五十年矣今帶城橋儒學坊
為吾家勝也橫山之寶華山之博士塢吾家三世
之所塋也華山有智顯寺宋紹聖四年知樞密院事
林希請為功德寺遂加慈嚴之額林氏墳在寺後宮
隆寺有米元章題草書壁高宗嘗欲取去有狀况不
曾移彼

蒼雪庵日抄

林樞密家在寶華山下故書手澤多為人所
得余家藏其書手左傳訓練二帙末有題字云姑蘇林子中
借錄于家藏辛卯仲秋中澣歲大水霖雨不止

紹興中有於故塚得故外黃令高君碑隸書殘缺乃
東漢高彪漢書傳云彪吳郡無錫人後遷內黃令帝
敕同寮臨送祖於上東門彪到官有德政上書薦縣
人申屠蟠等卒於官吏以外黃為內黃誤矣當以墓
碑為正 稿簡齋筆

隸釋云、紹興中、吳郡取土於郭外而得之、今碑
在郡齋、

章伯深淵言吳中風俗、上元夜、鐃鼓歌吹、喧街市、謂
之早划舡、

龍溪曾收彥和會賀鑄方回二家書、最多其子獻之
朝各命以官、皆經彥和方回手校、二家並居郡中、

今西山羊腸嶺有彥和之父墓碑、

范文正公長子監簿純佑、自幼警悟、明敏過人、公所

蒼雪庵日抄

料事必先知之、善能出神、公在西邊、凡虜情機事、皆
預遙知、蓋出神至虜、廷得之、故公每制勝料敵、如神
者、監簿之力也、一日因出神、為人所驚、自此神觀不
足、未幾而亡、時甚少也、張子賢聞之、公之族子閻彥
和云、

平江自朱勔用事、花木之奇異者、盡移供禁籞、下至
墟墓間、琢木亦遭發鑿、山林所余、惟合抱成圍、或擁
腫樸散者、乃保天年、建炎己酉冬、泉庚戌春、宣撫使

周望留姑蘇諸將之兵斧斤日往樵斫俱尽棟梁之材折而為薪莫敢誰何諸山皆童矣亦草木一時之厄耶

宣和間朱勔應奉進為節度使子汝賢慶陽軍承宣使汝功靜江軍承宣使汝文閩門宣贊舍人弟勣閩門宣贊舍人汝斌朝奉大夫直龍圖閣汝舟明州觀察使汝明榮州刺史孫締繹約綯緯緩並閩門宣贊舍人綽紳並閩門祗候一時軒裳之盛未之有也靖

蒼雪庵日抄

康初籍其家悉追奪竄嶺表

宣和癸巳春勔採石太湖鼇山得一石長四丈有奇廣得其半玲瓏嵌空竅穴千百非雕刻所能成也并郡宅後池光亭臺上白公檜世傳白樂天手植也創造二大舟費八千緡以獻時常潤間河渠淺淤重載不前乃先繪圖以聞宸翰賜石名神運昭功敷慶萬年之峯是秋方至京師詔置于艮嶽

建炎庚戌二月廿五日虜兵陷平江府兩浙宣撫使

周望移軍退保崑山縣泊舟馬鞍山下湖邊吏方用印忽有風旋轉入舟印與文移盡捲入水相視駭愕使水工探之不獲望惧北兵之來襲也歆亟走屯通惠鎮為失印所撓留吏求之吏禱於馬鞍山神曰靜侯濟者曰苟不獲將得罪必焚廟而行縣宰亦惧乃作堰捍水以蹋車涸之畚鍤如雲鑿數尺始得之已淪於泥中矣墨莊兄錄

新唐書載張籍和州烏江人而張洎作張司業詩序

蒼雪庵日抄

云籍蘇州吳郡人二日者無可攷證今烏江縣有張司業宅則疑傳載為是予因以詩集攷之有贈陸暢詩云共躡長安街裏塵吳門獨作未歸身胥門舊宅今誰在君過西塘與問人由是可知其為吳人無疑矣抑亦嘗寓烏江耶

府署之南名吳會坊黃外反按後漢蔡邕傳亡命江海遠跡吳會音與會計之會同注引會稽高遷亭竹綠為苗也又諸葛孔明說荊州形勢曰東連吳會王

穢之爲會稽內史時朝廷賦役繁重吳會尤甚石崇
論伐吳之功曰吳會借送指言孫氏則吳會當是吳
郡與會稽猶言吳越也蓋不獨謂曠蘇今坊名吳會
未知何據而然前漢吳王濞傳上患吳會輕悍即吳
會也

吳人多謂人爲馱子唐韻云馱小犬癡不解事者
慶曆間安定胡先生在吳學蘇子美被誣退居滄浪
太常博士陳虞卿壯歲致仕而歸吳中稱三賢人胡

蒼雪庵日抄

先生以教子美以文虞卿以行名動天下

程若筠吳中道士善畫嘗召至京師

秀峯寺西二十里至三洋有福林寺門石幢刻唐
咸通年又云上當慶忌尼寺蓋寺舊名云字已漫滅
吳農忌五月甲申乙酉雨則大水諺云甲申猶自可
乙酉怕殺我

范至能有會散夜步詩云忘却下樓扶我誰接籬顛
倒酒沾衣貪看雪樸樣滿街月不上籃輿步砌步歸

吳語也

雕簷綺戶倚晴空如畫。曾是吳王舊臺榭。自浣紗人去後。落日平蕪。行雲斷。幾見花開花謝。淒涼闌干外。一簇江山。多少圖王共爭霸。莫問愁金杯灑。對酒當歌。歡娛地。夢中興亡休話。漸倚遍西風。晚潮生。明月裏。鷺絲背人飛下。余每登故蘇臺。讀潘庭堅柱間洞仙歌。輒徘徊不忍去。元統三年冬。郡守濟南張侯新修此臺。易去舊柱。遂不復存。庭堅淳祐中嘗為浙西

蒼雪庵日抄

茶鹽司幕幹官

鄧道樞字應升綿州人。端平甲午。隨魏文靖公舟下瞿塘峽。越五年抵吳。

僧妙應者。俗姓童。鄉人呼為童和尚。妙於刻石。居隆興寺。嘗模廬山王翰頊善提像。刻寺中。其碑陰作天台五百尊者筆法。奇古。又於虎丘作石觀音像。亦作淳熙中人。

五柳堂者。胡公稷所作也。其宅乃陸魯望故址。所謂

臨頓里是也。

楊慙儒字彛父其先浦城人與方子通同時號吳中二老子友夔字舜韶有文行許彥周云舜韶長僕十餘歲向同在姑蘇時盜發孫堅墓楊作詩云闔閭城南荒古丘昔誰墓者孫豫州久無行客為下馬時有牧童耒放牛嗚呼舜韶今亡矣他詩皆工必可傳世也。

孫實字若虛郡人少負俊聲特好滑稽談笑有味壯

蒼雪庵日抄

游鄉校同舍多出田里富家以孫之貧不甚加礼而一牛姓者尤所侮玩因作牛秀才賦嘲之中有云腰帶垂頭尚有田單之火幪頭脚上猶聞甯戚之歌賦成聞者絕倒是時樂圃先生朱長文為州學教授會其父訓飾之遂發憤適京師入太李登第而歸仕至朝奉大夫知光州卒

丁晉公自光州歸葬華山所居在大郎橋堂宇甚古有層閣數間臨其後諸孫德隅善篆亦工於四六

鄭宣徽戩字天休居皋橋葬橫山

林槩字林平本長樂人徙居吳有子六人曰希字子中旦字次中劭字才中穎字傳中相繼俱登科級二蚤卒希為知樞密院事謚文節旦為殿中侍御史劭為顯謨閣李士謚正肅穎為光祿卿希之子虛中詞科旦之子慮亦登第有文行劭之子攄賜出身為中書侍郎近世儒門之盛必推林氏云

王仲言聞之陳齊之云林林平仁宗朝老儒也

蒼雪庵日抄

四子希旦劭穎中擅堯家之業林平歿時有二子尚在襁褓未名既長兩兄乃析其名示不忘父訓曰希曰旦曰劭曰穎後皆為顯人號衣冠名族

葉少蘊云今言平江府為吳下漕嬰傳云渡江破吳郡長吳下吳郡蓋平江也下槩言之猶稷言稷下教倉言教下云爾

潘勺字林治登第為吳興都掾後絕意祿仕遍游天

下佳山水有鴈蕩百詠自號癸甲先生或問其故曰
終始之義也後果以癸日卒甲日殮

葉少蘊又云吾鄉有老儒方惟深者字子通能詩嘗
為王荆公所知用意精苦所居陋巷終日閉門遇有
詩思即又閉其室步行其中引手瞑目若與人語或
空中搏拏蹠躍故里人戲之為方捉鬼子通嘗往造
一園亭不遇主人自盤礴終日因題詩壁間云何年
兀突庭前石昔日何人種松栢乘興閑來就榻眠一

蒼雪庵日抄

枕清風君莫惜城西今古陽山色城中誰有千年宅
來往何必見主人自是亭中客其洒落如此釋
仲殊一日訪子通留詩云多年不見玉川翁今日相
逢小樹東依舊清涼無長物只餘松檜養秋風可見
其清簡矣

陳長方字齊之其先長樂人父侁字復之聚林大卿
旦之女大雲翁慮之妹與陳瑩中交甚密瑩中謫廬
州侁以書賀之至千余言由此得罪又嘗遊定夫

深得治氣養心行已接物之要故其子亦為道季之士、齊之因外家居于步里終日閑戶研究經史號唯室先生有步里客談漢唐論行於世其弟少方字同之亦端慧不群號二陳

章氏本建安人卹公之裔後徙居于吳者有二族引厚丞相家州南質夫樞密家州北兩第屹然輪奐相望為一州之甲吳人號南北章以別之

吳郡城北五六里有一大塚在官塘之西相傳為唐

陸宣公墓

陸宣公墓故其地名陸墓水名陸塘淳熙間有於墓傍得遺刻與所傳合郡人周虎張震發皆紀其事或者謂公雖郡人生于嘉興自貶忠州別駕薨于忠州其喪不曾還吳嘉興寶華寺乃公故宅按忠州圖經陸宣公墓在至虛觀南三十步豈嘗藁葬于此又謂公已歸葬而忠州特設虛冢爾

郡治之東有和合坊今名槐樹巷或以為楊和王存中所居而然非也按圖經在唐季已有此名紹興初

楊始籍為園，垂三十年。楊方進封和國，雖事偶合，亦先兆也。

史發運宅在帶城橋。淳熙初，宅成，計其費一百五十萬緡。種一傳不能保，僦直十萬緡，久不就。售後為丁季卿，以一萬五千緡得之。紹定末，丁又不能保，趙汝楨來為浙西提刑官，占為百萬倉和采場。故老說發運初歸時，舳舻相銜，凡舟自葑門直接至其宅前，用發運司按紙黏窻，煮黏麵六七石，自後僅易目前耳。

唐書唐日抄

萬卷堂環列書四十二厨，寫本居多。始則論斤買為故帑，其後勢家每厨止得一十千席卷而去。

范雎字伯達，在太學嘗試禹稷，顏回同道論。李官見之，以為奇作，置之魁選，遂馳譽京師。李者至今以為模範，入館除祕書郎，成象成大，即其子也。

郭氏本郡中一小民，所謂林酒仙者，每至其家必解衣以醉之。酒仙遷化前數日，語郭氏曰：疇昔荷相接之勤，以藥一杯為報。郭氏以味惡，頗難之力，強之飲。

三呷而止。酒仙自奉而尽，遂授以硃砂圓衣，曰：惜乎
富及三世尔。郭氏竟售此藥，四方爭求買之。自此家
大富，三世之後，絕無有歆之者。

張震發，字元龍，郡人。嘉定七年，袁省榜下進士。廷傑

漢卿
曾孫

孫仲益，守郡日，戶口已四十三萬。紫岩居士虞遠臣書
徐稚山侍郎有妹，能詩，大不類。婦人女子所為。其詩
冲澹蕭然，出俗自成一家。

杜蘆言庵日抄

姚濟，字子齊，郡人。淳熙二年進士。

張字季安，陳少阜字舜卿。

朱冲微時，以常賣為業。後其家稍温，易為藥肆。生理
日進，益以行不檢，兩受徒刑。既擁資，交結權要，然亦
能以濟人為心。每春夏之交，即出錢米藥物，募醫官
數人，巡門問貧者之疾，送而賙之。又多買弊衣，擇市
姬之善縫紉者，製衲衣數百當。大寒雪，尽以給凍者。
其子勗，因賂中貴人，以花石得幸時，進奉不絕。謂

之花石綱凡林園亭館以至墳墓間所有一花一木之奇怪者悉用黃緋封識不問其家徑取之浙人畏之如虎花綱經送之地巡尉護送遇橋梁則徹以過舟雖以數千緡為之者亦毀之不恤初江淮發運司於真揚楚泗有轉搬倉綱運兵各據地分不相交越勛既進花石遂撥新裝運船充御前綱以載之而以舊者載糧運直達京師而轉搬倉遂廢糧運由此不繼禁衛至於乏食朝廷亦不之問也勛之寵日盛父

大曆皇帝日抄

子俱建節鉞即居第創雙節堂又畫徽宗御容置之殿中監司即守必就此朝朔望勛嘗預宴徽宗親握其臂與語勛遂以黃帛纏之與人揖不舉此臂弟姪數人皆結姻帝族賞緣得至顯官者甚中勛有園極廣植牡丹數千本花時以繒絲為幙帝覆其上每花飾金為牌標其名如是者里所園夫哇子藝精種植及能疊石為山者朝釋負擔而暮紆金紫如是者不可數計園中有水閣作九曲路以入春時縱婦女

游賞有迷其道者冲設酒食邀之或遺以簪珥之屬
人皆惡其醜行一日勔敗檢括其家資有黃發句者
素與勔不協既被首黎明造其室家人婦女盡驅之
出雖閭巷小民之家無敢容納不數日已墟其園所
謂牡丹者皆折以為薪每一花牌佑直三錢勔誅又
竄其家於海島前日之受誥身者尽禘之當時有謹
詞云初勔之塋其父盛飾一女奴一僮以殉之僮
奴不知其死也忻然從柩而入壙靖康末大飢郡
人怨毒入骨劫其壙而碎其骨初入壙門見骸骨二
具猶志之曰此僮奴也

蒼堂廣日抄

秦檜妻之弟王喚字顯道紹興初知府事峻於聚斂
酷於用刑然其規為亦有可取者兵火之余故墟瓦
礫山積乃錄入小城出必載瓦礫以培塘人以為便
石之破碎者積而焚之以泥官舍不賦於民而用有
余覓報寺其私家祠也黃堂前鎔錢鑄大士像而人
不敢言每剗鹿置熱酒中飲之以求補益未幾疽發

于脅而死

葉少蘊言吳人俚語若等人易得久、瞋人易得醜、雖鄙亦甚有理。

徐敦立言往歲吳中多詩僧、其名往、見於前輩文集、中予渡江之初、猶見有規者、頗以詩知名、其為人性坦率、其徒謂之規方外、時年七十餘矣、談論蕭散可喜、臨終前數日、有詩曰、讀書已覓眉稜重、就枕方欣骨節和、睡起不知天早晚、西窗殘日已無多、葉左

丞大愛之

蘇東坡日抄

潘允字說之、吳人仕徽宗、為侍從、宣和初、奉祠居里中、時郡民朱勔、以倖進、寵眷無比、父冲、殂、勔護喪歸、塋鄉間、傾城出迓、而潘獨不往、潘之先塋、適有山林形勢、近冲新遷、勔欲得之、乃脩敬于潘杜門、不納、勔恃恩自恣、遣人諷之、欲且席以薰天之勢、潘一切拒之、勔歸京師、果懇于上、御筆奪之、已而又誅御史、誣之以罪、而禘潘之賤、雖抑之于一時、而吳人至今稱

之龔敦頤字養正和州人兵部侍郎原之曾孫居于郡中有史李念元祐諸臣及建中靖國上書邪等人多表立名節經崇寧禁錮靖康流離子孫不能尽存平生施為漫不可攷慨然屬意求訪遺闕遂成列傳譜述一百卷凡名在兩籍三百九人而書於編者三百五其不可詳者四人而已淳熙七年周益公必大修國史薦之得旨給札繕寫以進後七年洪景廬以翰林學士領史事復薦之得上州文學

蒼雪齋日抄

却稿字高年元豐中人有幼學警悟

章字季思其先州人徙浦城後因高祖葬吳遂為郡人焉祖父皆隱約不仕季思嘗問李於朱文公隱居白屋出入徒步人稱之曰聘君貴之也平生足跡未嘗越州境而四方之人無不知有章季思士大夫過吳以不見為慙其為人慕用如此作詩至多遇紙即書或人或取去以此樂終身不厭年七八以疾終於家將卒時其正寢梁木折壞有聲人皆

異之郡人胡淳。淳季思學。歲時致醪醴薪米其卒也。又代二子書世出。內壙中淳字以初。

姑蘇李璋敏於戲調。偶赴隣人小集。主人者雖富而素鄙。會次適李坐其傍。既進食。璋視主人之前煎鮭魚。特大於衆客。璋即請主人曰。璋與主人俱蘇州人也。每見人書蘇字不同。其魚不知合在右邊。是合在左邊。是主人曰。古人作字不拘一体。移易從便也。璋即引手取主人之魚示衆曰。領主人指揮。今日左邊

其唐書唐日抄

之魚亦合從便。權移過右邊。如何一坐輟飯而哭。有一故相遠。派在姑蘇。常題游處壁曰。大丞相再從姪。某嘗游璋題其傍曰。混元皇帝三十七代孫李璋。繼至。

吳俗好花。與洛中不異。其地土亦宜花。古稱長洲茂苑。以苑目之。蓋有由矣。吳中花木不可殫述。而獨牡丹為藥。為好尚之寂。而牡丹尤貴重。為舊寓居諸王。皆種花。往來零替花亦如之。盛者唯藍村成提刑家。

最好事有花三千株號萬花堂嘗移得洛中各品數
種如玉盃白景雲紅瑞雲紅勝雲紅間金之數多以
游宦不能愛護輒死今惟勝雲紅在其次林得之知
府家有花千株胡長文給事成居仁太尉吳謙之待
制家種花亦不下林氏史志道發運家亦有五百株
如畢推官希文常承務俊心之屬多則數百株少亦
不下一二百株習以成風矣至穀雨為花開之候置
酒招賓就壇多以小青蓋或青幕覆之以障風日父

蒼雪庵日抄

老猶能言者不問親疎謂之看花局今之風俗雖不如
舊然大槩賞花則為賓客之集矣

方臘之起郡中令保甲巡護雖士流亦不免范無外
率府李諸生冠帶夜行用大鐙籠書一絕句於上曰
自古輕儒孰若秦山河社稷付他人如今重士如周
室忍使書生夜作巡太守聞之亟為罷去盛章作守
頗嫚士范因元夕府會作宝鼎現詞投之極蒙嘉獎
遺以酒五百尊其詞至今傳播

袁鰲可久崑山人紹興十二年進士有文齋雜記字宗仁中世科

甫里白蓮花寺乃陸魯望故宅之所後有祠堂鬼像蓋當時物咸淳間有盛氏子醉游寺中曰朴其像於水中則滿腹皆其平生詩文親藁也寺僧訟于郡時郡守也倪晉深怒之遂泣徒坐而更塑其像雖足少雪天隨之辱而無復昔時之腹藁矣

黃子由尚書夫人胡元功尚書之女也俊敏強記經

蒼雪庵日抄

史諸書略能成誦善筆札時作詩文亦可觀於琴奕馮竹等藝尤精自號惠齋居士時人比之李易安云范文穆公成大晚歲卜築於郡之盤門外十里蓋因闔廬所築越來溪之故基隨地勢高下而為亭榭所植多名花而梅尤盛別築農圃堂對楞伽山臨石湖所謂姑蘇前後臺相距亦止半里耳孝宗嘗御書石湖二大字以賜之公作上梁文所謂吳波萬頃偶維風雨之舟越戊午年因築湖山之觀者是也又有北

山堂千巖觀天鏡閣壽棟堂他亭宇尚多一時勝士
賦詠無不極鋪張之美乾道壬辰三月上巳周益公
必大以春官去國過吳公招飲園中夜分題名壁間
云吳臺越壘距門才十里而陸沉於荒煙野草者千
七百年紫微舍人始創別墅登臨要甲於東南豈鴟
夷子成功于此扁舟去之天閼絕景須苗裔之賢都
然後享其樂耶公為之較節而前後所題盡廢焉
黃端冕家有白鹿岩梅溪鹿苑臺銘記云維定武六

蒼雪庵日抄

年八月日記銘大晉永和七年歲在辛亥三月十九
日平原內史陸機再建立華陽真逸書字畫蓋王逸
少書端冕以為視此刻則瘞鶴銘為右軍書無疑矣
端冕宣和末屢上書言事李丞相綱為行營使嘗居
幙府遭亂還鄉紹興初有文名其後有名簡字元易
者博學強記善談吐能為詩樂府所著有東浦集云
野談雋端冕之弟黃司理緯字師文善鑿有奇中喻
子才其妹之夫也

費補之云近見蘇子美墨跡一卷皆自書其所作書
行艸爛然龍蛇飛動其中有獨酌詩云一酌澆腸俗
慮奔鷄微鵬大豈堪論楚靈當日能知此肯入滄江
作旅魂卷尾題云慶曆乙酉十月書于姑蘇驛舍攷
其詩蓋是被罪之明年居滄浪時所書其詩語放曠
如此或謂流落幽憂以終非也

清源莊季裕云建炎三年寓長洲縣彭華鄉高景山
北白馬澗張氏舍時山上設烽火日舉以報平安留

共倉室庵日抄

月余即過浙東臨行書一絕於壁間云昔年隨蹠佐
邊侯愁望長安向戍樓今日衰顏未澤國又看烽火
照長洲是冬金人犯杭越明年春由平江以歸白馬
澗去城十八里數宅百余區盡被焚毀獨留余所居
於壁邊題耿先生到此不燒七字

畢良史字少董一字伯瑞東平人丞相文簡公世孫
風度凝遠少游京臨四奉禮部不中出入貴人之間
遭亂南渡倚寓興國軍江西漕蔣璨喜其鑒辨博洽

資給令赴行在遂以博古說動諸內侍內侍皆喜之
上方搜古器書畫之屬恨未有能辨其真偽者得良
史甚悅月給餐錢五十千仍令內侍延請為門客又
得束脩百余千而食客滿門隨有輒盡用族人恩澤
補上州文學紹興中為東京留守屬官權知東明縣
東京再陷即罷沒事留虜中三年著春秋正辭論語
探古有宋城哲夫李師微願良執經師之宋執一卷
書背立且讀且止李執一卷書向其師若有問者而

蒼雪庵日抄

良史坐一榻上後有二女奴各有所執而阿冬者坐
其間良史之李子也女奴之髻者曰孫壽冠者曰馬
惠真好事者罵為經緯圖陷北境時嘗褐衣走間道
即以蠟書上之泗上繼好勅蕭誼以歸日進所著
書改秩陞朝後以直敷文閣知盱眙軍以卒子希文
希旦至今子孫多居吳中云

潘慶旂字天錫郡人慶元二年卸應龍榜進士及第
所著有漢兵編表堅三志一事

程泳之，涪伊川先生之孫，知崑山縣，秩滿，其弟錕為府監倉，乃携其家就居焉。

王陔，字希武，參知政事絢之子，有第宅在崑山。

紹興三年癸丑八月五日，長洲縣地震，自西北方來，樹林皆搖蕩。父老云：元祐九年九月二十一日嘗如此。又紹興十三年癸亥三月十五日清明大雪盈尺，郡人潘擇可崇寧五年以舍法貢入京，未至夜夢衣褐挽車三十兩，其弟端夫衣綠隨其後。政和三年擇

共庸雪庵日抄

可以上舍釋褐後三十年，端夫始就恩科，乃悟挽車三十者三十載也。

孫价，字元善，居郡中，其子紹遠，字稽伴，提舉福建常平，紹祖，字文仲。

錢俟，字維大，郡人，趙達榜進士，及第嘗任著作，即將作少監。

李益，字彥中，郡人，嘉王榜上舍出身。

魏志，字幾道，郡人，紹興四年進士。

盧彥仁龍圖直閣學士刺之孫

姑蘇雍熙寺每月夜向半常有婦人往來廊廡間歌小詞且笑且歎聞者就之輒不見其詞云滿目江山憶舊游汀洲花艸弄春柔長亭艤往木蘭舟好夢易隨流水去芳心空逐曉雲愁行人莫上望京樓好事者錄藏之士子慕容崑卿見之驚曰此予亡妻所為外人無知者君何從得之客告之故崑卿悲歎曰此寺蓋其旅襯所在也竹坡詩話

蒼雪庵日抄

魏鑄紹興間人善書學虞世南孔廟記太和宮碑是其跡

麋師旦字周卿吳人紹興戊辰登科紹熙庚戌為江東轉運主管官蜀相士楊生謂於相法當有肉峯生頂上愈壯則愈顯後果有肉隆然癸丑歲為嘉禾守楊復訪之則峯益高麋嘗歷御史主簿祕書郎春秋幾七十矣然終至左司郎中卒於乙卯夷堅志

吳仁傑字斗南其先洛陽人居吳中父信奉進士至

國子學錄弟仁輔子樗

陸知微吳人靖康中為開封尉氏丞

陸燾 林璞字伯振琰字玉珪乾道五年同登進士
弟琰善篆

王曉字浚明

何叢衣獸道僧二事見夷堅辛志

淳熙己未歲夏秋之交天久不雨所在苦旱吳郡醮
祭踰月不效通判趙師禹稷憂見于色適有寓客林

蒼雪庵日抄

通判光祖自少奉道得法於路真官有起龍致雨符
其應如響趙具詞瀝懽於林、為飛牘奏三境上言
檄告水府令其子求壽偕趙客陳擇齋往林屋洞投
之洞蓋太湖龍窟士民云欵雨時則洞口出雲如饋
餽兩人涉巨浸抵灵佑觀集道流具香几請洞焚檄
竟褰裳以入其前嘉木一本童、若幢云 辛志
郡城北數里有古石幢唐徐浩書太守陳師錫徙置
府第鄉人夜過河上者多見鬼物乃相與請于州復

置舊處其怪遂絕

至和中樂安公守姑蘇日虎立屋下水涌出竹簡數十小片皆朱書有孝建年號蓋宋武時紀年也蔣穎州自記於手藁其孫世昌錄收之

和靖尹先生去經筵寓虎立之西庵榜曰三畏齋嘉定初丁煇晦父通守吳郡乃建祠堂于其後

范文正公典鄉郡首建學聘安定胡先生條立李規講堂照壁猶是當時故物元統二年劉漢臣者為教

蒼雪庵日抄

授乃折以造其女奩具未幾失火燭焚其廬而文正公之祠歸然無恙

樂備字功成本淮海人寓居崑山以文學名於時登紹興廿四年進士第仕至軍器監簿

顏度字魯子充國公五十三世孫由唐魯公之孫子仕常熟遂為吳人舉進士以文章政事各一時仕至工部侍郎孝宗嘗謂度每出一言不動如山弟愿字对脩子玠平字景晏從子玠玠字景珪玠瑜字粹中

卞剛字 皆擢高第卞弁字景容卞璵字器之特
奏名其子孫皆居在真慶坊

顏直之字坊卞世為郡之長洲人生而端厚穎悟異
養常好讀書靡不涉獵以弓矢應格差監省倉即弓
祠養親主管建昌軍仙都觀自號樂間居士作退靜
齋娶妻其間幅巾危坐焚香撫琴意泊然平生好施
與尤樂以藥石濟疾苦賴以全活者甚中備物致用
率以智創輒出人意表工小篆得詛楚筆意嘗與參

共倉雪庵日抄

政樓公鑰書攻媿齋榜媿字采之齊侯鑄樓公意以
為己合賦詩美之所著有集古篆韻二十卷瘍鑿方
論外科會海瘍鑿本州等書公氣兒豐碩善攝生不
迎声色而年止五十一以嘉定十五年五月甲寅卒
墓在吳縣至德鄉雅宜山子汝霖汝礪汝勛字元老
有清行少傳趙師貢以郊恩奏得官主温州永嘉簿
江陰軍錄叅兩浙轉運司帳管改官主管文字知和
州含山縣監左藏西庫辟准東安撫司機宜文字通

判滁常二州慶元府俱不赴奉祠靈臺觀官至朝散
大夫至元廿八年八月四日卒年八十九



國家圖書館, NATIONAL CENTRAL LIBRARY, TAIWAN, R.O.C.